

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 249287 24 St
Zenica, 07.05.2025. godine

Općinski sud u Zenici, sutkinja Marina Šapina, u stečajnom postupku nad društvom HONI Društvo sa ograničenom odgovornošću za istraživanje tržišta, savjetovanje u vezi s poslovanjem i upravljanjem kvalitetom, usluge i međunarodnu razmjenu, Visoko, Donje Moštre 25, Visoko, odlučujući o prijedlogu privremenog stečajnog upravnika Sulejmana Ismića, na ročištu održanom dana 07.05.2025. godine, u prisustvu privremenog stečajnog upravitelja i punomoćnika predlagatelja Adis Gazibegović, odvjetnika iz Zajedničke odvjetničke kancelarije Emina Saračević, Adis Gazibegović i Admir Kudić, iz Sarajeva, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom HONI Društvo sa ograničenom odgovornošću za istraživanje tržišta, savjetovanje u vezi s poslovanjem i upravljanjem kvalitetom, usluge i međunarodnu razmjenu, Visoko, Donje Moštre 25, Visoko, MBS: 43-01-0428-24 (stari broj: 1-6209.

O b r a z l o ž e n j e

Prijedlogom od 08.09.2024.godine, predlagatelja HONI Društvo sa ograničenom odgovornošću za istraživanje tržišta, savjetovanje u vezi s poslovanjem i upravljanjem kvalitetom, usluge i međunarodnu razmjenu, Visoko, Donje Moštere 25, Visoko, zastupan po punomoćnicima Zajednička odvjetnička kancelarija Emina Saračević, Adis Gazibegović i Admir Kudić, odvjetnici iz Sarajeva, pokrenut je stečajni postupak nad navedenim društvom.

Rješenjem ovoga suda br. 43 0 St 249287 24 St od 27.01.2025.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika HONI Društvo sa ograničenom odgovornošću za istraživanje tržišta, savjetovanje u vezi s poslovanjem i upravljanjem kvalitetom, usluge i međunarodnu razmjenu, Visoko, Donje Moštre 25, Visoko, MBS: 43-01-0428-24 (stari broj: 1-6209 i za privremenog stečajnog upravnika imenovan je Sulejman Ismić iz Visokog, Carica 12.

Na ročištu za ispitivanje uvjeta za otvaranje stečaja održanom dana 07.05.2025. godine, privremeni stečajni upravitelj je izjavio da ostaje kod svog izvještaja od 04.03.2025.god. Navodi da je radi ispunjenja radnji predviđenih članom 63. Zakona o stečajnom postupku, kontaktirao zakonsku zastupnicu i osnivača društva, g-đu Alibegović Almiru, koja ga je upoznala da je predmetnu firmu naslijedila od supruga po Rješenju Općinskog suda u Sarajevu broj: 65 0 O 1080475 24 O, broj

notarskog spisa: UPP:66/24 od 25.04.2024.godine, u juni 2024. godine. Od strane računovođe, koji je vodio poslovne knjige dok je firma radila, i koji ga je podobnije upoznao sa svim iskazanim stavkama u završnim obračunima. Po dobivanju informacija od strane računovođe, obišao je dotadašnje sjedište firme, koje nije bilo u vlasništvu firme već je bilo u zakupnom odnosu. Na navedenoj adresi više ne postoji ni istaknuta firme niti predmetno društvo ima ikakve imovine, a koju nije nikada ni imalo, prema izjavama računovođe društva Frljak Jakuba, s obzirom na samu djelatnost kojom se bavilo – konsalting. Izjavljuje da društvo već duže vrijeme ne obavlja djelatnost i ne posjeduje bilo kakvu imovinu ili imovinska prava koja bi predstavljala stečajnu masu, što je također potvrđeno i uvjerenjima koja su preuzeta iz nadležnih javnih registara, a što je priloženo uz izvještaj i to: Potvrda nadležnog Zemljišnoknjižnog ureda broj:041-0-RZ-25-000423 od 26.02.2025.godine, Uvjerenje nadležnog Katastarskog ureda broj: 04-26-2-365/25-2 od 26.02.2025.godine, Uvjerenje MUP-a broj: 08-01-02/7-03-7-984/25 od 27.02.2025.godine, Račun društva je blokiran dana 08.08.2014.godine prema izvještaju od strane Centralne banke BiH od 25.04.2024.godine.

Što se tiče nezatvorenih stavki u posljednjem bilansu stanja na dan 31.07.2024. godine u kojima se vodi potencijalna imovina izjavljuje sljedeće: Konto 058 – Akontacija poreza na dobit u iznosu od 320,00 KM, što predstavlja pretplatu po osnovu akontacije poreza na dobit iz perioda kad je firma radila u plusu dok je isti iznos nenaplativ iz razloga što je Društvo dužno poreskoj daleko veći iznos te predmetni iznos ne može biti predmet stečajne mase; Konto 057 – Novac i novčani ekvivalenti (isključujući prekoračenja po bankovnim računima) u iznosu od 66,00 KM, predstavlja novac koji se nalazio u blagajni i računima ali je isti davno potrošen za troškove u poslovanju, za isto ne postoji bilo kakva dokumentacija. U bilansu su iskazane sljedeće obaveze: dugoročnih obaveza Društvo na dan 31.07.2024.godine nema, kratkoročne obaveze na dan 31.07.2024. godine iznose 234.966,00 KM i iste se sastoje od: ostale obaveze, uključujući i razgraničenja u iznosu od 204.070,00 KM, a koje predstavljaju obaveze po osnovu neisplaćenih neto i bruto plata, kao i ostalih primanja zaposlenika (direktor i jedan zaposlenik) Društva, i to: Obaveze za neisplaćene neto plate u iznosu od 148.257,16 KM, Obaveze za porez na plate – porez na dohodak u iznosu od 4.115,13 KM, Obaveze za doprinose – PIO/MIO u iznosu od 6.238,91 KM, Obaveze za doprinose – zdravstveno osiguranje u iznosu od 28.008,06 KM, Obaveze za doprinose – za nezaposlenost u iznosu od 3.849,24 KM, Obaveza za neisplaćene tople obroke u iznosu od 13.350,00 KM, Ostale obaveze za doprinose u iznosu od 251,79 KM, ostale finansijske obaveze po amortizovanom trošku u iznosu od 30.656,00 KM, predmetni dug se odnosi na pozajmice bivšeg zakonskog zastupnika i osnivača koje su unesene u Društvo a koje nisu izmirene, obaveze prema dobavljačima u iznosu od 240,00 KM predstavlja dugovanje prema Vanjskotrgovinskoj komori BiH koje nije izmireno. Društvo ne obavlja nikakvu djelatnost i nema imovinu ili potraživanja. Na računu Društva nema sredstava i isti je blokiran prema podacima CBIH.

Slijedom navedenog, te činjenice da je predmetnu firmu zakonski zastupnik i osnivač naslijedio i da je prijedlog za otvaranje stečanog postupka podnesen odmah po prenosu društva u nadležnom registru Općinskog suda u Zenici, Rješenje doneseno dana 19.06.2024. godine, smatra da je navedeni prijedlog podnesen od strane sadašnjeg zastupnika po zakonu na vrijeme i u skladu sa odredbama člana 61. stav 2. Zakona o stečaju. Uvidom u poslovnu dokumentaciju, javne registre, izjave računovođe Društva te ličnim uvidom na adresi sjedišta društva utvrđeno je da Društvo ne posjeduje nikakvu materijalnu ili nematerijalnu imovinu kao ni prava ili potraživanja koja bi činila stečajnu masu čime bi se namirili troškovi stečajnog postupka kao i potraživanja povjerilaca. Kako društvo ne obavlja nikakvu djelatnost i nema uslova za bilo kakav nastavak poslovanja. Društvo je obavljalo u prostorijama koje su u zakupnom odnosu. Računi Društva su blokirani prije podnošenja zahtjeva za pokretanje stečajnog postupka, duže od 60 dana.

Kako iz svega navedenog proizlazi da društvo nema imovinu i nematerijalna sredstva koja bi činila

stečajnu masu, a iz koje bi se mogle namiriti troškovi postupka i stečajni povjerioci. Predlažem da sud pozove povjerioce i zainteresirana lica da u roku od 30 dana uplate iznos od 5.000,00 KM na ime podmirenja troškova stečajnog postupka i predlože otvaranje stečajnog postupka, a ukoliko u ostavljenom roku isto ne bude učinjeno da sud donese rješenje o otvaranju i zaključenju stečajnog postupka i po pravomoćnosti briše društvo iz sudskog registra

Prisutni punomoćnik predlagatelja je izjavio da nema primjedbi ni pitanja na Izvještaj privremenog stečajnog upravitelja, te da je suglasan sa prijedlogom privremenog stečajnog upravitelja.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbijedenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložio privremeni stečajni upravitelj.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:
Protiv ovog rješenja nije
dozvoljena žalba.

Sutkinja:
Marina Šapina